



COMUNI D'AGGJU

PROVINCIA SASSARI

XVIII PREMIU "AGGJU: CÓNTI GADDURESI E CÓSSI"

BÁNDIU CONTI GADDURESI E COSSI 2024

1) Lu Concorso "AGGJU: CÓNTI GADDURESI E CÓSSI" nasci cu l'intenzioni di sustinì la Linga Gadduresa (cun tutti li só' varianti), cumpresa la lingua affini di la Cosica, in módu da ricuperà la "micro-storia" di tutti li fatti di chisti tarri (aneddoti, usi, costumi, tradizioni...); A lu concursu si paltecipiggja mandendi un "cóntu" a tema libbaru (invintatu, di fughili o di fatti di chistu tempu), mai publicatu in libri, giornali o rivisti... e nemmancu prisintatu primiatu in un'altu concursu;

Lu mancatu rispettu di lu com. 2 di l'art.1 cumpolta lu ritiru di lu premiu e/o di l'attestatu riziutu e l'esclusioni di l'autori da lu concursu banditu.

2) Lu concursu si sviluppa in dui settóri: li "Conti di la Gaddura" e li "Conti di la Corsica";

Tutt'e dui li settóri so destinati a li "manni", in età cumpresa tra li 18 e li 99 anni;

Lu settóri di la "Gaddura" à puru una palti destinata a li "cioani", in un'età cumpresa tra li 10 e li 17 anni.

3) Dugna concorrenti palticipiggja prisintendi un contu sólu, no più longu di 5 fógli di tagliu A4, péna l'eliminazioni;

Li cónti dèni esse dattiloscritti o scritti a computer, trattèndi una scrittúra chi no sia più minóri di lu "corpo 12".

4) Li cónti prisentati no póni 'antà lu "dirittu d'autori" e ambàrani di proprietari di lu Comuni d'Aggju chi po' silvissinni commu li piazzi, senz'obbligu di dumandà lu permessu a cassisia e senz'obbligu di risarcimentu pa lu sfruttamentu di li 'idèi di l'alti.

5) Li cónti déni esse prisintati in folma "anonima", senza nisciun muttu ó stivignu ó alta cosa chi pòssia fa cumprindì ca l'à scrittu, pena l'esclusioni.

Lu 'nnummu di lu concorrenti, insembi a l'indirizzu di casa, lu 'nnummaru di lu telefono fissu ó cellulari, l'indirizzu mail, cumpresu lu titulu di l'ópara a concursu, anda scrittu a palti e postu indrentu a una busta chiusa; chista busta anda sistemata indrentu a la busta più manna undi venini collocati li fógli di l'ópara finita.

6) Li cioani, tutt'a l'indirizzu di lu Comuni promotóri, déni precisà chi iddi paltecipiggjani a la "sezioni cioani", si manca chista precisazioni lu contu sóiu anda a fa palti di la "sezioni manni".

7) La busta, cu indrentu lu cóntu e la busta di li generalitài, anda mandata no più taldu di la di **28 di lu mesi di lampata (giugno) 2024** a chistu indirizzu pa li concorrenti in Linga Gadduresa: "XVIII PREMIO AGGJU- CONTI GADDURESI E COSSI- 2024", C/O COMUNE DI AGGIUS, VIA P. PAOLI, 39 - 07020 AGGIUS (SS) o, pa semplificà li cosi, a l'indirizzu mail segreteria@comuneaggius.it;

li cónti in Linga Corsa andani spiduti a l'indirizzu signalatu da lu Presidenti di la Commissioni di Gjurìa di chissa Regioni, a lu stessu módu ch'ému dittu pa lu settóri di la Gaddura.

Tuttu lu chi véni mandatu dapói di la data stabilita (fazi fidi lu timbru postali), pa regolamentu, veni cunsideratu "fóra concursu" – annullatu –.

Ca vò sapinni di più telefoniggja a lu 'nnummaru 079.621060 – 620339 in orariu d'ufficiu.

8) Lu Concorso previdi l'affidu di un 1°, 2° e 3° premiu pa li manni, tantu pa la "palti Gadduresa", cantu pa la "palti Corsicana"; un 1° premiu pa li cioani. Pa li cónti 'inzidóri no è previstu nisciun ex aequo.

9) Li premi di li manni cumprendini "*oggjeti e prodotti di l'artigianatu tessile di lu logu*", pa lu 1°, 2° e 3° classificatu;

lu premiu di li cioani consisti in un premiu in oggjeti elettronici e/o informatici o alta cosa sciuarata da li responsabili di la "Commissioni Consorsu";

Illa fasi di premiazione è prevista puru la consegna di *tre targhi speciali* pa l'ópari di li manni chi si sò distinti: la "*Targa Linga Gadduresa*", pa lu cóntu più attinziunatu illu trattà la Linga Gadduresa Classica o una di li so' varianti; (pa Linga Classica Gadduresa s'intendi "lu Timpiesu", chi saria la lingua trattata da li nostri puetti maggiori finz'a la mità di lu 1900); la "*Targa Faiddata di lu logu*", pa lu cóntu più interessanti scrittu sigundu la "faiddata Aggjesa"; la "*Targa Cóni di Fughili*", pa lu cóntu più significativu innat' a la micro-storia di lu nostru territoriu;

Nisciuna di li targhi previsti po' esse abbianata cu lu primmu, sigundu o telzu premiu di lu concursu;

So' puru previsti "menzioni speciali" (massimu tre) pa li conti chi miritiggjani una segnalazioni ma chi no so' intrati illi premi e targhi mintuati;

Li chi vinzini, li signalati cu la targa e li mintuati pa meritu speciali rizèini puru *un libru innant' a la cultura e li tradizioni di la Gaddura e/o innantu a la Regioni Saldigna*;

A tutti li concorrenti vèni datu "*l'Attestatu di Partecipazioni*" e lu "*libru*" di la raccolta di li cónti prisintati l'annu primma.

10) Li diccisionsi di la gjuria no si discutini e no' póni esse cambiati;

La paltecipazioni a lu concursu impliciggja lu rispettu e l'osservanza di lu bándiu chi, in dugna modu, diventa la regula fondamentali di riferimentu pal tutti.

11) La gjuria di la "Palti Gadduresa", è fulmata da 3 commissari fissi (cumpresu lu "Presidenti") e da un commissariu aggjuntu, a incarigu annuali, illa figura di lu c'à "vintu lu concursu" di l'annu primma.

Ca vinzi lu concursu veni incarigatu di la funzioni di "gjudizi" pa li conti di l'annu infattu e no à solu l'óbliggu di svolgì chissa funzioni ma à puru chissu di mandà un "contu fóra concursu", a titulu onorariu. Chistu impegnu cumpri cu la cerimoni di premiazioni di l'annu infattu, palchì chissu incaricu veni présu da lu inzidóri di chissu concorso. Da chissu momentu iddu è libbaru di turrà a paltizzipà... ma pa li primmi dui anni paldi lu dirittu di aggjudigassi lu primma premiu, no' chissu di pudé gadagnà lu sigundu, lu telzu premiu o li targhi. Cumpritu chissu tempu, pa iddu, tuttu torra come primma.

12) La gjuria di la "Sezioni Córsgana" è fulmata da 3 commissari fissi (presidenti cumpresu) e sighi lu regolamentu stabilitu da iddi.

13) La gjuria di la "Palti Gadduresa", comme chissa di "Palti Córsgana", àa l'obbliggu di rispittà, illa formulazioni di lu gjudiziu cant' è stabilitu da lu "Regolamentu di Valutazioni", propostu da lu "Presidenti" e appruatu da la "Commissioni" in modu da garanti la maggióri correttezza sia illa valutazioni di li scritti, sia illa trasparenza di tutti li 'ótti stabiliti finz' a l'attribuzioni di lu gjudiziu finali.

14) La data di la premiazioni sarà cumunicata a tutti cantu primma, tramite stampa e pubblicazioni illu situ di lu comuni d'Aggju.

Aggju, li 05.04.2024

Lu sindagu d'Aggju
Nicola Muzzu

